

Llys Albert Edward Tywysog Cymru, Morgannwg Ganol



**Albert Edward
Llys Tywysog Cymru**
Rhodfa Penylan
Porthcawl
Morgannwg Ganol
CF36 3LY
Ffôn: 01656 785311
E-bost: albertedward@rmbi.org.uk

www.rmbi.org.uk

 [facebook.com/thermbi](https://www.facebook.com/thermbi)

 twitter.com/thermbi

Darparwr cofrestredig:
Royal Masonic Benevolent Institution,
60 Great Queen Street, Llundain WC2B 5AZ
Rhif cofrestru'r elusen 1163245
Rhif y cwmni: 1293566

Albert Edward Prince of Wales Court is regulated by
the Care and Social Services Inspectorate Wales.
Local Office: South West Wales, Government Buildings,
Picton Terrace, Carmarthen, SA31 3BT
Tel: 0300 7900 126
Published: May 2016

Mae gofalu'n
ffordd o fyw i ni

www.rmbi.org.uk





Cartref diddos

Mae Llys Albert Edward Tywysog Cymru yn nhref lan môr Porthcawl ar arfordir de Cymru, mewn saith acer o erddi wedi'u tirlunio.

Mae'r awyrgylch cynnes a chroesawus yn y Cartref yn gwneud ichi deimlo'n gartrefol ar unwaith. Rydym yn darparu gofal preswyl, nyrsio a dementia arbenigol ar gyfer hyd at 72 o breswylwyr.

Rydym eisiau ichi deimlo'n gartrefol gyda ni. Yma yn Llys Albert Edward Tywysog Cymru, cewch ystafell wely a dodrefn a digon o le ynddi ac ystafell ymolchi en-suite, a thîm arbenigol i gefnogi eich anghenion gofal.

Mae ein cwrt mewnol yn cynnwys gardd bersawrus, pwll pysgod, ardal ar thema glan môr a lle tawel i eistedd a mwynhau aroglau'r blodau. Mae'r preswylwyr wrth eu boddau yn yr ardd synhwyraidd sydd wedi'i dylunio i gyffroi'r pum synnwyr.

Gan fod salon harddwch ar y safle, gallwch fynd i'r siop trin gwallt neu fwynhau triniaeth harddwch pryd bynnag y mynnoch.



“Mae’n lle gwych i fy mam neu i unrhyw un arall fyw ynddo”

Yr hyn rydym yn ei gynnig

Nid yw symud i gartref gofal yn golygu gollwng gafael ar eich annibyniaeth. Rydym yma i'ch helpu i fyw'r bywyd rydych chi'n ei ddymuno gan wybod ar yr un pryd fod gymorth ar gael os oes angen.

Bwyd cartref ffres

Mae gennym gegin gynhwysfawr gyda thîm arlwyo a chogyddion ar y safle. Mae ein bwydlen amrywiol yn newid yn gyson er mwyn rhoi amrywiaeth o ddewis a deiet cytbwys ichi.

Mae yma rywbeth i bawb

Credwn fod cadw'n egniol, yn feddyliol ac yn gorfforol, yn caniatáu i'n preswylwyr gael lles ac ystyr yn eu bywydau.

Rydym yn darparu gweithgareddau rheolaidd yn Llys Albert Edward Tywysog Cymru, o arddio a phaentio i ddiwrnodau allan o'r Cartref ac ymarferion corfforol ysgafn. Gallwn hefyd eich cefnogi i barhau i fwynhau eich hobiau a'ch diddordebau, ac rydym yn hyderus fod gennym rywbeth sy'n gwbl addas ichi.

Gwahodd teulu a ffrindiau

Mae nifer o fannau y tu mewn ac yn yr awyr agored lle gallwch gynnal digwyddiadau gyda'ch teulu a'ch ffrindiau. Gallwn helpu i drefnu partïon preifat neu achlysuron arbennig yn y Cartref os ydych yn dymuno.

Cynllun sy'n addas i chi

O olchi dillad i wasanaethau glanhau a'r siop ar ein safle, rydym ni yma i wneud bywyd yn gyfforddus ac yn bleserus ichi.

Rydym yn trin pawb fel unigolion a byddwn yn gweithio gyda chi i greu cynllun gofal sy'n diwallu eich anghenion.



Ein hathroniaeth gofal

Mae Llys Albert Edward Tywysog Cymru'n cael ei redeg a'i reoli gan yr RMBI (Royal Masonic Benevolent Institution). Mae hefyd yn cael ei reoleiddio gan Arolygiaeth Gofal a Gwasanaethau Cymdeithasol Cymru (AGGCC).

Mae gofalu'n ffordd o fyw i ni. Dyma ein gwerthoedd fel sefydliad: Personol, Proffesiynol, Cefnogol, Dysgu, Parchus ac yn fwy na dim, Caredig. Ein nod yw dilyn y gwerthoedd hyn, a gellir gweld hynny ymhob rhan o'n gwaith ac yn y modd rydym yn trin pobl eraill.

Rydym yn defnyddio dull sy'n canolbwyntio ar unigolion wrth roi gofal a chymorth i bobl. Ystyr hyn yw edrych ar y byd o'u safbwynt nhw, 'sefyll yn eu hesgidiau nhw' a gwerthfawrogi sut maent yn teimlo.

Mae hyn yn wahanol iawn i drin pawb yr un fath ac mae'n golygu bod y gofal a ddarparwn yn 'unigol' i bob preswylwr.

Mae ein gwerthoedd a'n dull o ofalu'n sicrhau ein bod ni'n wastad yn darparu'r lefel uchaf o ofal yn ein Cartrefi.

Mae'r aelodau hynny o'r gymuned Fasonaidd sy'n dewis un o gartrefi RMBI yn gwybod y bydd ganddynt gartref am oes, hyd yn oed os bydd eu hamgylchiadau ariannol yn newid – cyhyd ag y gallwn ni barhau i gefnogi eu hanghenion.



"Mae'r gofal a'r llety a ddarperir yn llawer iawn gwell na'r hyn rwyf i wedi'i weld yn unrhyw le arall. Rydw i'n hollol fodlon bod fy mam yn byw yno"

Mathau o ofal

Gall penderfynu symud i gartref gofal fod yn beth anodd - dyna pam rydym ni yma i'ch cefnogi bob cam o'r ffordd.

Gofal dementia arbenigol

Mae Llys Albert Edward Tywysog Cymru yn cynnig gwasanaeth dementia arbenigol ar gyfer hyd at 10 o bobl.

Credwn fod pobl sy'n byw â dementia'n gallu parhau i fyw bywyd egniol a llawn. Mae ein staff wedi cael eu hyfforddi i ddarparu cymorth sy'n benodol i bob unigolyn er mwyn ichi allu byw bywyd yn ystyrlon.

Mae'r statws 'Gwasanaeth Glöyn Byw' yn farc ansawdd uchel ei barch sy'n cael ei gydnabod yn genedlaethol ac sy'n cael ei roi gan Dementia Care Matters, sef mudiad blaenllaw ym maes gofal dementia. Mae'n cydnabod cartrefi gofal sydd wedi ymrwymo i ddarparu gwasanaethau rhagorol ym maes dementia. Fel sefydliad, rydym yn gweithio'n agos gyda nhw i sicrhau ein bod ni'n darparu'r safonau uchaf o ofal dementia bob amser.

Gofal preswyl

Darperir gofal preswyl ar gyfer pobl nad ydynt yn gallu byw gartref mwyach, hyd yn oed gyda chefnogaeth gwasanaethau gofal yn y cartref. Gall gofal preswyl helpu pobl i barhau i fyw'n ddiogel, a bydd eich teulu'n dawel eu meddwl o wybod eich bod mewn amgylchedd cefnogol. Gallwn gynnig llety i hyd at 46 o bobl mewn gofal preswyl.

Gofal nyrsio

Mae ein nyrsys wedi cael eu hyfforddi i ddarparu lefel fwy arbenigol o gefnogaeth, sy'n hybu iechyd a lles. Mae'r math hwn o ofal ar gyfer unrhyw un sydd angen cymorth 24 awr gan nyrs gofrestrdig. Gallwn gefnogi hyd at 19 o bobl gyda gofal nyrsio.

Arhosiad byr a gofal seibiant

Mae arhosiad byr, gan gynnwys gofal seibiant, ar gael i bobl sy'n derbyn gofal yn eu cartrefi eu hunain. Maent yn rhoi cyfle i deuluoedd neu ofalwyr gael hoe o ofalu am rywun annwyl.

Gall hyn fod yn opsiwn da i rywun yn gwella ar ôl bod yn yr ysbyty, neu sydd am brofi sut beth yw bywyd yn ein cartref gofal.

Gofal lliniarol

Mae gofalu am rywun yn ystod diwrnodau olaf ei fywyd yn gofyn am ddealltwriaeth a sgiliau arbenigol. Rydym wedi ymrwymo i wneud yn si'r fod ein gofal diwedd oes yn parchu ac yn cadw urddas yr unigolyn ac rydym yma i'ch cefnogi drwy gydol yr amser anodd hwn.





"Mae'r cartref wedi bod yn hyblyg iawn ac wedi deall anghenion fy ffrind"

Sut i wneud cais

Os hoffech wneud cais i fyw yn Llys Albert Edward Tywysog Cymru, cysylltwch â ni ar 01656 785311 neu anfonwch neges i albertedward@rmbi.org.uk.

Trowch at y canllawiau ar ein gwefan i gael manylion am y meini prawf yngl n â bod yn gymwys.

Talu am eich gofal

Mae ein gwasanaethau ar gael i bobl gyda chyllid preifat neu gyhoeddus. Ewch i www.payingforcare.org i gael gwybod mwy am yr opsiynau o ran talu am ofal neu cysylltwch â Rheolwr y Cartref i gael cyngor.

Beth sy'n digwydd nesaf?

Os ydych chi'n barod i gymryd y cam i symud i'n Cartref, cynhelir asesiad i'n helpu ni i ddeall eich anghenion a sut gallwn eich cefnogi. Os oes lle ar gael a'n bod ni'n gallu diwallu eich anghenion gofal, byddwn yn cynnig ystafell ichi.

Byddwn yn dweud wrthy ch beth yw'r ffi wythnosol cyn ichi symud i'r Cartref. Mae'r ffi'n cynnwys llety, prydau bwyd a gofal. Gall y gost newid wrth i'ch anghenion newid.

Rydym hefyd yn cynnig arosiadau byr er mwyn ichi gael profi bywyd yn y Cartref cyn ichi benderfynu symud i mewn. Cysylltwch â ni os hoffech wybod mwy. Os ydych yn dymuno cael deunyddiau yn Gymraeg, cysylltwch â'r Brif Swyddfa yn marketing@rmbi.org.uk neu ffoniwch 020 7596 2400.

